



Pripadnici **SIPA** na području Ljubuškog i Tomislavgrada pretresli posjede Marija Mamića

SIPA "češlja" imovinu sina Zdravka Mamića

Pretres se sprovodi u okviru istrage i sumnje u pranje novca i zloupotrebu položaja

Dejan TOVILOVIĆ

LJUBUŠKI, TOMISLAVGRAD - Pripadnici Državne agencije za istrage i zaštitu (**SIPA**) BiH pretresli su juče na području Ljubuškog i Tomislavgrada imovinu Marija Mamića, sina Zdravka Mamića, izvršnog direktora Fudbalskog kluba Dinamo Zagreb, zbog sumnje u pranje novca.

Pretres je izvršen na osnovu naloga Suda i Tužilaštva BiH, a na osnovu zahtjeva za međunarodnu pravnu pomoć upućenog iz Hrvatske.

"Aktivnosti se sprovode u

okviru istrage koja se vodi u Hrvatskoj i BiH, protiv više osoba, zbog kaznenih djela zločinačkog udruženja i zloupotrebe položaja i pranja novca. Radi se o složenoj istrazi i transakcijama u višemilionskim iznosima. Takođe, vrše se i provjere finansijskih transakcija i poslovanja osumnjičenih u BiH", saopšteno je iz Tužilaštva.

Iz **SIPA** je rečeno kako su ove aktivnosti usmjerene na pronalaženje i oduzimanje dokumentacije koja bi mogla poslužiti kao dokaz za navedeno krivično djelo.

"Nakon realizacije navedenih naredbi, **SIPA** će Sudu BiH i Tužilaštvu BiH dostaviti odgovarajuće izvještaje o preduzetim aktivnostima i privremeno oduzete predmete",

rečeno je u ovoj agenciji.

Prema nezvaničnim informacijama, pretres imovine Marija Mamića urađen je kako bi se provjerilo poslovanje firme "Sport servis MM", ali i druga njegova imovina i računi.

Protiv oca i sina Mamić, kao i još nekoliko biznismena u Hrvatskoj, vodi se opsežna istraga zbog sumnje da su Fudbalski klub Dinamo oštetili za oko 10 miliona evra. Inače, u decembru prošle godine imovina i računi mladeg Mamića bili su blokirani, kao i računi njegove firme Sport servis MM", te račun Marka Kravića, odgovorne osobe u ovoj firmi. Prema pojedinim navodima Mario Mamić na računu u jednoj banci u BiH ima nešto više od 300.000 evra, koje mu je uplatila njegova firma "Sport servis MM", a

koja je uplate primala i od offshore preduzeća "Rasport Management AG" iz Švajcarske, preko koje se, prema USKOK-ovim sumnjama, izvlačio novac iz Dinama. Dinamo je ovom preduzeću isplatio ukupno oko 14 miliona kuna, a istražiocima smatraju da se iza te kompanije krije upravo Mario Mamić.

Ove sumnje je podgrijavao i ranije zaplijenjeni dokument, u kojem je Mateo Kovačić, igrač Real Madrida, imenovao Marija Mamića iz "Rasport Managementa" kao svog opunomoćnika.

SUMNJIVE TRANSAKCIJE NOVCA IZMEĐU MAMIĆEVE FIRME I OFFSHORE PREDUZEĆA

